



ДУНДГОВЬ АЙМГИЙН  
САЙХАН-ОВОО СУМЫН ИРГЭДИЙН ТӨЛӨӨЛӨГЧДИЙН ХУРЛЫН  
ТОГТООЛ

2023 оны 03 сарын 21 өдөр

Дугаар 81

Онги

Орон нутгийн тусгай хэрэгцээнд авах тухай

Монгол Улсын Засаг захиргаа нутаг дэвсгэрийн нэгж, түүний удирдлагын тухай хуулийн 35 дугаар зүйлийн 35.1.17 дахь заалт, 48 дугаар зүйлийн 48.1 дэх хэсэг, Газрын тухай хуулийн 20 дугаар зүйлийн 20.1.3 дахь заалт, Тусгай хамгаалалттай газар нутгийн тухай хуулийн 28 дугаар зүйлийн 28.3 дахь хэсэгт заасныг тус тус үндэслэн сумын иргэдийн Төлөөлөгчдийн Хурлаас ТОГТООХ нь:

Нэг. Тус сумын уламжлалт аргаар мал аж ахуй эрхлэх зориулалттай, мөн сумын ИТХ-ын 2015 оны 35 дугаар тогтоолоор Агнуурын бүс нутаг болгон тогтоосон "Ахар уул" орчмын 31917.20 га газрыг 20 жилийн хугацаагаар сумын тусгай хэрэгцээний газарт авахаар шийдвэрлэсүгэй.

Хоёр. Тусгай хэрэгцээнд авч буй газрын байршил, солбилцол, хэмжээ, хамгаалалтанд авсан үндэслэл, шаардлагыг хавсралтаар баталсугай.


Гурав. Тусгай хэрэгцээнд авсан газрыг Ашигт малтмал газрын тосны газарт хуулийн хугацаанд нь бүртгүүлж, тогтоолын хэрэгжилтийг мөрдөж ажиллахыг сумын Засаг дарга (С.Амарсанаа)-д үүрэг болгосугай.

ДАРГА



Ц.АДЪЯА-ОТГОН

Сайхан-Овоо сумын Иргэдийн Төлөөлөгчдийн  
Хурлын 2023 оны 03 дугаар сарын 21-ний  
өдрийн 81 дүгээр тогтоолын 1 дүгээр хавсралт



### **Сумын тусгай хэрэгцээнд авсан газрын үндэслэл зорилго**

Нэг. Сайхан-Овоо сум нь 405478 га нутаг дэвсгэртэй. Үүнээс аймгийн тусгай хамгаалалттай Цогт уулын дурсгалт газар 6560 га, ойн сан бүхий газар 5,1 га, усан сан бүхий гол нуур тойрмын эзлэх талбай 6780 га, зам шугам сүлжээний газар 1255,8 га, сумын төв суурингийн эдэлбэр газар 496 га төмс хүнсний ногоо тариалах зориулалттай 54.9 га, усны эвдрэлд орсон газар 75,2 га, хад асга чулуутай, ашиглахад бэрхшээлтэй 174 га газар гэсэн судалгаа байна.

Дээрх ашиглагдсан буюу ашиглах боломжгүй газрыг хасвал 390074 га бэлчээр үлдэж байна. Бэлчээрт тохирох газрыг дахин авч үзвэл үлийн цагаан огтонод идэгдсэн 4500 орчим га, цөлжилт элсний нүүдэлд өртөж болзошгүй 140000 га, машин техникийн замд өртөгдсөн 415 га, хог хаягдлаар бохирлогдсон 16 га газар байна. Цэвэр бэлчээр гэж үзэх 245143 га газар дээр 1489 малчин иргэн амьдарч 409 айл өрх нутаглан 167,400 мянган мал бэлчээрлэж уламжлалт мал аж ахуйг эрхэлж байна.

Хоёр. Сумын нутаг дэвсгэр дэх голын ай сав, булаг шанд байгалийн болон түүхийн дурсгалт зүйл, ховор ан амьтан нутагшсан газар, эмийн болон бэлчээрийн ургамлыг хэрхэн хамгаалсан талаас нь авч үзвэл сумын тэг гортигны газар 496 га, аймгийн тусгай хамгаалалттай 8303.83 га, сумын тусгай хэрэгцээнд авч ашигт малтмалын газарт бүртгүүлсэн 346331,38 га газар байдаг.

Уул уурхайн олборлолт ашиглалт байхгүй эвдрэлд орсон газар бүртгэгдээгүй нь сумын онцлог давуу тал юм. Цаашид аялал жуулчлал, уламжлалт мал аж ахуйгаа хөгжүүлэх, ховор, ховордож байгаа ан амьтан нутагшин амьдарч байгаа газар нутгаа хамгаалах эко сум болох зорилготой.

Тус суманд сүүлийн жилүүдэд отор нүүдэл ихээр орж ирж хөрс суларч цөлжилт явагдах, бэлчээр, ургамалын гарц муудаж ургамлын нөмрөгийн төрөл зүйл

ховордож нэг наст ургамал их ургах болсон нь сүүлийн 5 жилийн Бэлчээрийн фотомониторингийн судалгаагаар илэрч байна.

Иймд Ахар уул, Цогт ууланд ховор ан амьтан болох Аргаль, Янгир, Хар сүүлт, Чоно, цагаан зээр зэрэг зэрлэг ан амьтад нутагшин мөн зарим ховор амьтад нүүдэллэн орж ирдэг. 2015 онд Сумын иргэдийн Төлөөлөгчдийн Хурлын 35 тоот тогтоолоор Агнуурын бүс нутаг болгон Бор бавдай нөхөрлөлийг байгуулан ажиллаж байна. Ийм учраас Өмнөговь аймгийн Мандал-Овоо, Төгрөг сумтай хил залгаа, Ахар уул орчмын 31917.20 га газар нутгийг сумын тусгай хэрэгцээнд авах зайлшгүй шаардлагатай байна.



Сайхан-Овоо сумын иргэдийн Төлөөлөгчдийн  
Хурлын 2023 оны 03 дугаар сарын 21-ний  
өдрийн 81 дүгээр тогтоолын 2 дугаар хавсралт



### 3.Ахар уул

1.	45 17 15.0	103 44 11.0
2.	45 19 00.1	103 46 28.9
3.	45 19 59.9	103 46 10.6
4.	45 19 59.9	103 57 24.8
5.	45 19 41.9	103 57 45.0
6.	45 16 45.1	104 00 00.0
7.	45 13 59.9	103 58 59.9
8.	45 13 40.1	103 58 59.9
9.	45 13 40.1	103 53 49.9
10.	45 12 40.0	103 53 49.9
11.	45 12 40.0	103 58 59.9
12.	45 25 12.0	103 58 59.9
13.	45 12 00.0	104 00 00.0
14.	45 09 32.4	103 59 58.9
15.	45 09 41.0	103 56 48.1
16.	45 10 27.8	103 47 25.1
17.	45 17 15.0	103 44 11.0



